

Broj: 07-02-1592-57/25/09
07-02-1593-47/26/09
07-02-1311-64/09
07-02-198-51/10

Mostar, 06.04.2010. godine

Na osnovu člana 12. stava (1) i člana 14. stava (1) Statuta Regulatorne komisije za električnu energiju u Federaciji Bosne i Hercegovine (Službene novine Federacije BiH broj 13/04), člana 31. stava (2), člana 37. stava (5) i člana 53. stava (2) Poslovnika o radu Regulatorne komisije za električnu energiju u Federaciji Bosne i Hercegovine (Službene novine Federacije BiH broj 59/04), te člana 36. stava (6), člana 46. stava (3), člana 47, člana 48. stava (1) i člana 49. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine (Službene novine Federacije BiH broj 37/05), te Odluke o provođenja četvrtog tarifnog postupka broj 01-07-1311-02/09 od 05.11.2009. godine, Odluke o provođenja trećeg tarifnog postupka broj 07-02-1592-07/25/09 i broj 07-02-1593-07/26/09 od 24.02.2010. godine i Odluke o planu aktivnosti na provođenja postupaka formalnih rasprava tokom trećeg i četvrtog tarifnog postupka broj 07-02-1592-08/25/09, broj 07-02-1593-08/26/09, broj 01-07-1311-16/09 i broj 01-07-198-03/10 od 24.02.2010. godine, rješavajući po Zahtjevu za sticanje statusa umješača koji je u FERK primljen 23.03.2010. godine pod brojem 07-02-1592-45/25/09, brojem 07-02-1593-38/26/09, brojem 01-07-1311-53/09 i brojem 01-07-198-38/10, podnosioca Institucija Ombudsmana za zaštitu potrošača u BiH, Regulatorna komisija za električnu energiju u Federaciji Bosne i Hercegovine – FERK je, na V redovnoj sjednici, održanoj u Mostaru dana 06.04.2010. godine, donijela sljedeći

ZAKLJUČAK

- I. Odobrava se Zahtjev Institucije Ombudsmana za zaštitu potrošača u BiH za sticanje statusa umješača i to u postupku formalne rasprave po Zahtjevu za odobrenje tarifa za djelatnost proizvodnje električne energije koji je u FERK primljen 23.12.2009. godine pod brojem 07-02-1592/25/09, u postupku formalne rasprave po Zahtjevu za odobrenje tarifa za djelatnost distribucije električne energije koji je u FERK primljen 23.12.2009. godine pod brojem 07-02-1593/26/09, zatim u postupku formalne rasprave pokrenutom na inicijativu FERK-a, a radi utvrđivanja tarifa za djelatnost snabdijevanje električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca, te u postupku formalne rasprave o tarifnim stavovima za nekvalifikovane (tarifne) kupce i o tarifnim stavovima za korisnike distributivnog sistema Javnog poduzeća „Elektroprivreda Hrvatske zajednice Herceg Bosne“ dioničko društvo Mostar.
- II. Umješač se uključuje u postupak formalnih rasprava iz tačke I. ovog zaključka na dan stupanja na snagu ovog zaključka i u onom stanju u kojem ga zatiče prilikom stupanja u postupak.
- III. Umješaču iz tačke I. ovog zaključka dozvoljeno je učestvovati u postupku formalne rasprave, iznositi dokaze, primjedbe i argumente i pridržavati se postavljenih rokova. Voditelj postupka može ograničiti učestvovanje umješača, u slučajevima kada je to za dobrobit efikasnog vođenja rasprave. Umješač ima i druga prava i obaveze u skladu sa odredbama Poslovnika o radu FERK-a i Pravilnika o javnim raspravama i rješavanju zahtjeva i žalbi FERK-a.

IV. Ovaj zaključak je konačan i stupa na snagu danom donošenja, te se objavljuje na oglasnoj tabli i web stranici FERK-a.

O b r a z l o ž e n j e

Član 53. stav (2) Poslovnika o radu FERK-a propisuje da FERK može dodijeliti status umješača licu koje dokaže direktan interes za tarifni postupak, koji je različit općem javnom interesu, te da je umješaču omogućeno učestvovati u postupku, svjedočiti i zahtjevati informacije putem člana FERK-a ili voditelja postupka formalne rasprave. U skladu sa članom 46. stavom (3) Pravilnika o javnim raspravama i rješavanju zahtjeva i žalbi FERK-a, kriterije za utvrđivanje prava i statusa umješača FERK određuje za svaki konkretan slučaj posebno, zavisno o okolnostima slučaja. Članom 47. istog Pravilnika propisan je način podnošenja zahtjeva za sticanje statusa umješača po isteku roka, kao i da ukoliko FERK odobri zahtjev za sticanje statusa umješača nakon isteka roka to neće odložiti ili usporiti raspored aktivnosti tokom postupka. Članom 48. stavom (1) istog Pravilnika propisano je da FERK o zahtjevu za priznanje statusa umješača odlučuje u roku od 15 dana od dana prijema zahtjeva u FERK. Članom 36. stavom (6) i članom 49. istog pravilnika propisan je način na koji umješač dostavlja svoje podneske i na koji je način ovlašten učestvovati u raspravi.

Odlukom FERK-a o planu aktivnosti na provođenja postupaka formalnih rasprava tokom trećeg i četvrtog tarifnog postupka broj 07-02-1592-08/25/09, broj 07-02-1593-08/26/09 broj 01-07-1311-16/09 i broj 01-07-198-03/10 od 24.02.2010. godine određeno je da status umješača u formalnoj raspravi može steći pravno ili fizičko lice pod uslovom da blagovremeno podnese zahtjev za sticanje statusa umješača i da ispunjava kriterije: da ima direktan interes u postupku radi odobrenja tarifa za djelatnost proizvodnje električne energije i/ili u postupku radi odobrenja tarifa za djelatnost distribucije električne energije i/ili u postupku radi utvrđivanja tarifa za djelatnost snabdijevanje električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca i/ili po prijedlogu tarifnih stavova u vezi s kojim podnosi zahtjev za sticanje statusa umješača, a koji je različit od općeg javnog interesa i da raspolaže podacima i činjenicama od važnosti za formalnu raspravu u trećem i/ili četvrtom tarifnom postupku koji se vodi pred FERK-om. FERK je putem Obavještenja za javnost o provođenja trećeg i četvrtog tarifnog postupka za JP „Elektroprivreda HZ HB“ d.d. Mostar i održavanju formalnih rasprava, objavljenom u Dnevnom listu i Oslobođenju dana 25.02.2010. godine, te objavljenom na oglasnoj tabli i na web stranici FERK-a, odredio da se zahtjev za sticanje statusa umješača podnosi FERK-u do 09.03.2010. godine do 12:00 sati.

Dana 23.03.2010. godine, Institucija Ombudsmana za zaštitu potrošača u BiH, podnijela je Zahtjev za sticanje statusa umješača u postupcima formalnih rasprava, koji je u FERK primljen pod brojem 07-02-1592-45/25/09, brojem 07-02-1593-38/26/09, brojem 01-07-1311-53/09 i brojem 01-07-198-38/10, a kojim je podnosilac zatražio sticanje statusa umješača i to u postupku formalne rasprave po Zahtjevu za odobrenje tarifa za djelatnost proizvodnje električne energije broj 07-02-1592/25/09 od 23.12.2009. godine, u postupku formalne rasprave po Zahtjevu za odobrenje tarifa za djelatnost distribucije električne energije broj 07-02-1593/26/09 od 23.12.2009. godine, zatim u postupku formalne rasprave pokrenutom na inicijativu FERK-a, a radi utvrđivanja tarifa za djelatnost snabdijevanje električnom energijom I. reda, uključujući i trošak nabavke električne energije za potrebe

nekvalifikovanih (tarifnih) kupaca, te u postupku formalne rasprave o tarifnim stavovima JP „Elektroprivrede HZ HB“ d.d. Mostar.

U zahtjevu za sticanje statusa umješača, podnosilac je naveo da kao Ombudsman za zaštitu potrošača u BiH, a u cilju efikasnog konsultiranja i predstavljanja potrošača u donošenju odluka, kako je propisano članom 38. stavom 1. tačka h) Zakona o zaštiti potrošača („Službeni glasnik BiH“ broj 25/06) podnosi zahtjev za sticanje statusa umješača u postupcima formalnih rasprava pred FERK-om povodom trećeg i četvrtog tarifnog postupka za JP „Elektroprivreda HZ HB“ d.d. Mostar. Navedeno je i da ovaj podnosilac zbog kadrovske ograničenosti i angažovanosti na rješavanju pojedinačnih žalbi, kao i ispunjavanju obaveza prema Kancelariji za reviziju institucija BiH nije bio u mogućnosti podnijeti Zahtjev u datom roku, te da isti podnosi po isteku roka.

Rješavajući po Zahtjevu za sticanje statusa umješača podnosioca u postupku formalne rasprave po Zahtjevu za odobrenje tarifa za djelatnost proizvodnje električne energije broj 07-02-1592/25/09 od 23.12.2009. godine, u postupku formalne rasprave po Zahtjevu za odobrenje tarifa za djelatnost distribucije električne energije broj 07-02-1593/26/09 od 23.12.2009. godine, u postupku formalne rasprave pokrenutom na inicijativu FERK-a, a radi utvrđivanja tarifa za djelatnost snabdijevanje električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca, te u postupku formalne rasprave o tarifnim stavovima JP „Elektroprivrede HZ HB“ d.d. Mostar, FERK je uzeo u obzir ciljeve koje pred njega postavlja Zakon o električnoj energiji (Službene novine Federacije BiH broj 41/02, 24/05, 38/05 i 61/09) vezane za pouzdanije snabdijevanje kupaca kvalitetnom električnom energijom, zaštitu interesa korisnika sistema, kao i uvođenje konkurencije, transparentnosti i sprječavanje neželjenih efekata monopola, te obaveze FERK-a da štiti prava kupaca, elektroprivrednih društava, te nadgleda odnose u elektroenergetskom sektoru i da reguliše kvalitet usluga na svim nivoima, kao i tarife, imajući u vidu interese i potrebe svih korisnika za snabdijevanje električnom energijom. Također, FERK je pored odredbe člana 38. stava (1) tačka h) Zakona o zaštiti potrošača u Bosni i Hercegovini (Službeni glasnik Bosne i Hercegovine broj 25/06) posebno uzeo u obzir i druge odredbe ovog Zakona, te je utvrđeno da učestvovanjem podnosioca zahtjeva Institucija Ombudsmana za zaštitu potrošača u BiH kao umješača u provođenju navedenih tarifnih postupaka, a obzirom na usku povezanost njegovog djelokruga rada sa navedenim ciljevima i obavezama utvrđenim Zakonom o električnoj energiji omogućava i potrošačima koji nisu podnijeli zahtjev za sticanje statusa umješača u istim da ostvare jedno od svojih osnovnih prava koja su propisana i Zakonom o zaštiti potrošača u Bosni i Hercegovini, a to je pravo da budu saslušani i zastupani, kroz efikasno konsultovanje i predstavljanje potrošača u donošenju odluka.

Obzirom da je postupak formalne rasprave po podnesenom Zahtjevu za odobrenje tarifa za djelatnost proizvodnja električne energije broj 07-02-1592/25/09 od 23.12.2009. godine, postupak formalne rasprave po podnesenom Zahtjevu za odobrenje tarifa za djelatnost distribucije električne energije broj 07-02-1593/26/09 od 23.12.2009. godine, postupak formalne rasprave pokrenutom na inicijativu FERK-a, a radi utvrđivanja tarifa za djelatnost snabdijevanje električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca, te postupak formalne rasprave o tarifnim stavovima za nekvalifikovane (tarifne) kupce i o tarifnim stavovima za korisnike distributivnog sistema JP „Elektroprivrede HZ HB“ d.d. Mostar u toku, FERK cijeni da

naknadno učešće umješača u navedenim postupcima može samo doprinjeti kvalitetu provođenja istog i da neće imati negativan uticaj na JP „Elektroprivrede HZ HB“ d.d. Mostar, niti će uticati na odugovlačenje postupaka, a uzimajući u obzir da je status umješača odobren van vremenskog roka za podnošenje istog.

Budući da je podnosilac dokazao postojanje direktnog interesa za učestvovanje u postupku formalne rasprave po podnesenom Zahtjevu za odobrenje tarifa za djelatnost proizvodnja električne energije broj 07-02-1592/25/09 od 23.12.2009. godine, u postupku formalne rasprave po podnesenom Zahtjevu za odobrenje tarifa za djelatnost distribucije električne energije broj 07-02-1593/26/09 od 23.12.2009. godine, u postupku formalne rasprave pokrenutom na inicijativu FERK-a, a radi utvrđivanja tarifa za djelatnost snabdijevanje električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca, te u postupku formalne rasprave o tarifnim stavovima za nekvalifikovane (tarifne) kupce i o tarifnim stavovima za korisnike distributivnog sistema JP „Elektroprivrede HZ HB“ d.d. Mostar, te kako raspolaže podacima i činjenicama od važnosti za ove formalne rasprave, odlučeno je kao u dispozitivu ovog zaključka.

PREDSJEDNIK FERK-a
Zdenko Šimunović s.r.